

桃溪客語卷三

周高起洞山芥茶系云羅芥去宜興而南踰八九十里浙直分界只一山岡岡南卽長興山兩峯相阻介就夷曠者人呼爲芥

履其地始知古人制字有

耳名云有八十八處前橫大礪水泉清駛漱潤茶根

洩山土之肥澤故洞山爲諸芥之最自西九遡張渚而入取道茗嶺甚險惡

縣西南八十里

自東九溯湖沒

而入取道纏嶺稍大才通車騎老廟後者爲第一品新廟後棋槃頂紗帽頂手巾條姚八房爲第二

品

皆洞頂芥也

廟後漲沙大袞頭姚洞羅洞王洞范洞

桃溪客語卷三

一 拜經樓正本

白石爲第三品下漲沙梧桐洞余洞石場丫頭芥

畱青芥黃龍炭竈龍池

皆平洞本芥也

長湖背青口簪莊

顧渚茅山芥爲不入品

皆外山也

趙彥衛擁鱸閑紀云張渚鎮有張氏名大年臨溪爲圃號桃溪嘗倅黃藏書教子一子登第一恩科岳侯館其家有題屏書

云

然則桃溪之名蓋自大年始與

宋馬令輯南唐書三十卷其祖元康世家金陵多習南唐舊事未及撰次而卒令纂承之實崇寧時也書中多言徐鉉湯悅被詔作江南錄之疎略元戚

光撰金陵志求得其書併爲之音釋書始顯于世  
令陽羨人志乘多闕載

山花見毘陵志土產門云或曰防風苗莖纖弱而長  
味甚甘脆與竹菇竝產宜興惠茂吉嘗有賦按山  
花今土人稱山花蘿蔔狀頗類土人參味甘而香  
皮黃中白又微似白朮能補脾而降肺氣藥肆用  
充粉參毘陵志以爲防風之說恐非是桃溪近山  
所產尤多凶年資以禦饑視郎其爲易得畱心荒  
政者不可不知

荆南唱和集有天  
菜詩似卽此

毘陵志又云洮湖有得斷碑者乃周生烈所作又洮

桃溪客語卷三

二 拜經樓正本

湖之西有其墓論語疏博士周生烈燉煌人仕魏  
三國區立豈越境終於是邑耶按周生姓名烈字  
文逢或云  
文逸本姓唐魏博士侍中嘗注論語今斷碑  
亦無可考

獨山東岸有平山坡陀相屬延袤可二三里桃溪貫  
其中人呼爲泐溪山山之北岡勢稍折曰鮑郎山  
灣亦未審所由名余昔有竹枝詞云桃花水暖鮫  
魚肥寒食東風燕子飛日日鮑郎山下宿如何不  
見鮑郎歸

俞振龍本以販豐貂爲業人稱俞貂鼠見陳鼎東林

列傳

荆溪外紀載薛士龍善權洞詩云幾如禪觀適遊鮒  
戲澄灣注今小水洞存鱖魚四足考益部方物略  
鮒魚出溪谷及雅江有足能緣木其聲如兒啼又  
爾疋鮒大鱖郭注鱖似鮒而大白色爾雅翼謂口  
腹俱大者爲鱖背青口小者爲鮒然則鮒之與鱖  
形絕不同與鮫卻相似陳子高詩所謂土鮫爛斑  
者卽此魚也薛詩注鱖字疑誤

烏溪港在蜀山東南港外卽太湖乾隆乙巳夏大旱  
太湖水涸數百里土人于湖底掘得獨木舟長二

桃溪客語卷三

三

拜經樓正本

丈餘廣深四尺中有古錢可三百餘千半雜沙土  
不知何時所沈也競取其錢毀舟以爲薪錢質輕  
小而色青民間頗不利于用予求得數枚觀之面  
有五銖二字背文四出徑七分蓋鐵錢也考洪氏  
泉志引梁書武帝紀普通四年冬十二月戊午始  
鑄鐵錢又隋書食貨志梁普通中議盡罷銅錢更  
鑄鐵錢人以鐵易得竝皆私鑄及大同以後所在  
鐵錢遂如邱山物價騰貴交易者以車載不計數  
唯論貫耳顧烜曰此錢徑一寸一分而洪氏以爲  
鐵錢今世有之輪郭厚字迹微漫背文四出徑七

分重三銖六釵蓋洪所云乃梁時私鑄今此錢輕  
重大小恰與洪合其爲梁時私鑄無疑聞舟中尙  
有鐵刀一長尺餘余以鐵錢分餉友人周勤補孝  
廉廣業作詩紀事云陳子克恕示我五銖錢鐵質  
好郭函方圓面文半漫可辨識其背四出連輪邊  
重約三銖徑無寸鼓鑄云在蕭梁年何時卻沈太  
湖底類此乃浮三百千去秋亢旱昔未有巨浸成  
陸生黃煙漁翁拋網操畚鍤詫見獨木剗爲舩長  
可二丈博四尺中實以鏹多且堅愚民愛錢不愛  
古攫取那問名品泐烏溪巷口棄舩去蕭斧雲集

桃溪客語卷三

四 拜經樓正本

供炊燃吳子搆錢得數十緘寄其一來幽燕詳書  
始末貽好事證以泉志鄱陽編我爲摩抄重歎息  
舊稱錢神非虛傳金石寒泐有不免獨爾歷久形  
模全靈威丈人謹呵護鮫龍噓吸餘腥涎億昔普  
通始冶鐵盜鑄輕重隨所便大同山積祇論貫東  
西蹻墊奸因緣風波一失葬魚腹殉財未已軀爲  
捐重淵淪沒隔千載角錢復見豈偶然萬頃洪濤  
一朝絕無柰龜坼膏腴田賣妻鬻子歲在己饑黎  
貿賀天垂憐米出窮山錢出水今春安徽泰和縣掘地得米千餘石  
得此亦幸充粥饘吾觀周官說泉布義取流行無

枯偏藏富之源本不竭民用須藉子母權寢假變  
船作金穴坐令十萬腰閒纏入手易盡難救旱願  
湖終古碧連天

東川有西溪李義山爲東川判官時恆遊息其地故  
集中西溪詩凡數見東坡在鳳翔愛玉女洞水甘  
列恐人詭取剖竹爲調水符并紀以古風之二者  
與宐之西九玉女潭風馬牛不相及也而爲邑乘  
者輒擗摭及之地志之疎謬如斯之類指不勝屈  
矣錢唐靈隱山有玉女泉志家亦引  
東坡調水符事辨詳咸淳臨安志

陽羨磁壺自明季始盛上者至與金玉等價百餘年

桃溪客語卷三

五

拜經樓正本

來名輩既盡時工所製率粗俗不雅或塗以丹黃  
無一可入清玩者夷考古來名手其姓氏尙可指

數如金沙寺僧不知其名供春董翰號後趙梁梁亦元

暢或作袁錫時朋亦作朋及子大彬號少李養心字茂及

子仲芳徐士衡字友歐正春邵文金文銀蔣時英

字伯陳用卿信卿閔賢字魯陳光甫陳仲美沈士

良字君邵蓋周後谿陳俊卿周季山陳和之陳挺

生承雲從沈君盛陳辰字共徐令音項眞字不損

諸沈子澈竝勝國名手至其品類則有若龍蛋印

方雲壘螭筭漢瓶僧帽提梁卣苦節君扇面方蘆

蓆方誥寶圓珠美人肩西子乳束腰菱花平肩蓮  
子合菊荷花芝蘭竹節橄欖六方冬瓜段分蕉蟬  
翼柄雲索耳番象鼻鯊魚皮天鷄篆珥海棠香合  
鸚鵡螺杯葵花茶洗仿古花樽棋花鑪十錦杯之  
等大都炫奇爭勝各有擅場姑舉其什一耳  
周澍臺陽百咏云寒梧垂蔭日初晴自瀉供春蟹眼  
生疑是閉門風雨候竹梢露重瓦溝鳴自注臺灣  
郡人茗皆自煮最重供春小壺一具用之數十年  
則值金一笏觀此知陳定生秋園雜珮所謂時壺  
名遠甚卽遐陬絕域猶知之良不虛也

桃溪客語卷三

六

拜經樓正本

國朝宐興陳遠工製沁壺形制欵識無不精妙予目  
中所見及家舊蓄者數器意謂卽供春少山無以  
遠過也遠字鳴遠號鶴峯或稱壺隱挾其枝以遊  
四方名人勝流競相延結海寧則楊晚研曹廉讓  
諸公尤所契賞故至今遺器獨多海鹽則涉園張  
氏假館亦最久

陳子畦徐次京孟臣鄭寧侯竝沙壺名手第不詳何  
代人或云子畦卽遠父

毛禹門總憲少與何武莪太僕同里相厚天啟中復  
因太僕與楊左諸公文爲魏闥所嫉以法謫戍平

陽隨遣緹騎追之禹門挈其子潛逸去有望門投  
止之風竟以此獲免崇正初復官今毛家壩側有  
毛氏荒圃皆其故蹟也

宐邑東北有岳山

毘陵志  
作計山

距邑二十餘里岳字書不

載土人讀若几山巔一池昔有禿角白龍潛其中  
將雨則見蔡肇詩云南山皦皦天作鼓號召諸龍  
盡行雨惟有禿角最先到潑墨雲中雪鱗舞宋時  
嘗築祠山上今久廢每歲旱禱雨則至龍池山頂  
池中取蜥蜴貯之以歸謂是龍子也亦往往而驗  
盧象晉字錫侯諸生大司馬象昇弟崇正中嘗疏請

桃溪客語卷三

七

拜經樓正本

步騎三千屯田關外不許後棄家爲僧死以缶殯  
見儲大文盧忠烈傳記序卽杭堇浦詩所云有時  
忽來告葬所瓦棺塋周非其壻者也

或云臨歿歸  
以僧服殮

元張伯雨杜牧之水榭詩序云杜樊川水榭在義興  
東郭宋紹興閒卽其地創招提今廣福精舍是矣  
僧古田築屋三閒仍以水榭名牧之寄許七侍御  
詩云塵意迷今古雲情識卷舒他年雪中棹陽羨  
訪吾廬刻石爲山中故事古田諸孫易道上人從  
予遊求予賦詩題其處好事來續未艾也愛此招  
提絕世氛何因水榭得名聞幽篁嘉木知誰共塵

意雲情若個分陽羨溪頭黃葉路晚晴賦裡白鷗  
羣詩僧文采居然別解道曾畱杜使君按邑志廣  
福寺在縣東九里宋紹興閒僧宗賢建今毀合二  
說觀之水榭遺趾當不離東九左右明人修一統  
志時蓋廣福已毀矣

周孝侯墓碑題爲晉陸機文王羲之書昔人多疑其  
僞託至文中以身殉國不亦可乎下忽接云韓信  
背水之軍未遑得喻公輸縈帶之勢早擬連踪莫  
不梯山架壑襁負來歸戎士捍其封疆農人展其  
耕織秋風纔起追戰勇于雷霆春水方生揮鍤同

桃溪客語卷三

八  
拜經樓正本

于雲雨立功立事名將名賢乎元康九年因疾增  
加奄捐館舍春秋六十有二天子以大臣之葬師  
傅之禮親臨殯壤此段非特與史傳乖謬且文勢  
亦不貫直似取他人碑誌竄入尤可笑也末書唐  
元和六年歲次辛卯十一月十五日承奉郎守義  
興縣令陳從諫重樹此碑前試太常協律郎黃□  
書朱錫鬯疑文字皆陳令所託予謂文中插入韓  
信一段或出自黃某所爲未可知今孝侯廟中此  
碑有二其唐所樹者在正殿碑面多米蒸斑剝之  
蹟俗稱麻碑一乃萬歷閒邑人吳馭得宋拓本屬周天



球重摹上石爲亭以覆之萬士和有跋和嘉興李光映得  
兩本著之金石文考略疑而不決似未知名人有  
重刻也

梁溪周履道元末避地荆南山中主于周氏最久與  
邑人馬孝常爲莫逆交嘗輯其詩爲荆南倡和集  
凡百七十九首時人以方皮陸履道工書兼擅六  
法義興富人多置酒招之一夕遁去張士誠據吳  
履道從軍至會稽卒於兵高季迪爲作荆南倡和  
集序季迪死徐幼文又題其後

鈞臺任先生銳意經術尤研究易旨所著周易洗心

桃溪客語卷三

九 拜經樓正本

大意主象數每卦之下先列錯綜互變與明梁山  
來氏知德國朝光山胡氏煦之說殆相表裡而

喜爲新奇之論嘗自言生平苦不能貫通發憤探  
索恆至通夕不寐一旦臥病忽神出委身如蛻自  
客館昇歸一同死者雖妻子號慟不知也越旬有  
七日始甦神初出若遊乾坤圖內旋轉出三環其卽

自撰先由黑暗地漸到光明始見八卦乾坤坎離

之象如日輪出海火光四射坎黑如支柱撐天拄  
地耳聞人語曰如此無一毫遮蔽無一息間斷方  
成個心體又曰撐天拄地方可言才伊尹聖之任

纔盡坎之用又曰至要只在大明終始一語汝體會著又曰習坎維心亨不習無不利汝意云何以爲此卽遊魂爲變因作古詩以示學者時釣臺年已六十餘其所述易象之語如此不知果有神人告之耶抑亦襲陸君陽之故智耶

宐故多盜俞安期輯唐類函初成嘗載百十部以出中道被掠他物稱是追捕久無所獲安期乃復印數百部以紅字目錄印書側鬻之未幾盜書亦出以無紅字詰之遂首伏人多其智好事者爭買紅字唐類函因此乃大售今世猶貴紅字唐類函其

桃溪客語卷三

十  
拜經樓正本

實與黑字無異也

周  
芑  
兮  
大  
令  
說

研北雜志云賀方回故居在吳中昇平橋所居有企鴻軒翫志誤作醋坊橋方回有二子曰房曰廩廩字豫登紹興二年二月甲子進方回手校書五千餘卷得官特添差平江糧料院方回葬義興之篠嶺其子孫尙有存者按篠嶺在邑東南五里三隄前後連亙有石塔刻所作銘在墓傍今無攷

陳述古嘉祐六年出守常州有惠政嘗濬湖去望亭堰民賴其利題張渚道中詩云班春無術勸蒿萊五十年閒此一回黃髮路徇應怪問使君何事入

山來考公是歲年四十五故有五十年間之句公  
本光州人徙家閩之福唐元豐中薨于京師葬宐  
興箬山孫覺誌墓後裔嘗建祠于桃溪劉彝有夜  
宿善權寺懷述古詩曰精識世所希直道古稀有  
伊人雖云亡遺德不可朽嘗厭石渠遊是邦聊出  
守浚河納湖波股派活畎畝學宮起城隅塗人或  
薪樵旣富而教之薄俗適忠厚矧予平生時昏弱  
賴磨揉共擷姬孔微冒出皋稷後醇源浩罔涯實  
行靡容苟猶其老巖阿寂寞待同叩天乎奪大成  
旅茲宐興阜我來薤荆榛兩淚滴杯酒慟哭起秋

桃溪客語卷三

十一

拜經樓正本

風落葉紛林藪永懷三益恩語報乏瓊玖願子生  
人間世世爲親友詩見周益公歸廬陵日記彝字  
執中建州人少從胡安定學述古女弟之壻故末  
句云然

義興許氏皆宗漢太尉許馹許彥遇鶩籠書生事邇  
修家乘者亦載之故瞿時夏詩云書生變幻新聯  
譜幼婦迷離更勒銘下句指許碑重立也彥吳大  
元中爲東觀令史詳吳均續齊諧記

東坡先生買田陽羨歲得九百斛三子之裔共享之  
叔黨之孫峴尙居宐興乾道中爲大府寺丞見周

省齋集

崇靈廟在陝西渭南縣尹村周孝侯與齊萬年戰沒處秦人愍孝侯之忠而祠之金大定間賜額元王博文嘗爲廟碑明人誤以孝侯爲渭南人且指到獸山爲孝侯殺白額虎處縣東赤水橋爲卽長橋其傳會可笑如此

姚寬西溪叢語毘陵古寺柱閒有雷神書字一行云石牀侯十三人火下有緒月二字緒月見佛書此雷書似又在侯米漢謝仙火之外第不詳古寺之名今莫得而考矣

桃溪客語卷三

十二

拜經樓正本

蔣億字仲永宋淳熙中令鉛山有善政嘗修復縣學朱子爲記稱億材高志遠平居抵掌論當世事滾滾不窮蓋嘗有意答兵萬里爲國家立非常之功云云億義興人也

程沙隨周易古占法云張芸叟疑大觀在上之文且言陸希聲深病爻辭之不類輒欲去取歐陽公童子問王景山儒志亦疑於易文

董實甫碧里雜存余遊荆溪善權寺正殿乃唐大中年造庭下古檜乃蕭梁時植殿中三柱一書謝鈞記三字一書詩米漢三字皆楷書一書詩米漢謝

釣之記七字皆草書每字各方徑尺許皆倒書也  
周文襄公命以刀削之隨削隨深懼而止今窪處  
猶存據此則雷書隨削隨深而承福殿之雷書予  
親見其一削而泯豈能神於善權而不能神於承  
福耶抑緇流故神其說以欺人耶

雜存又云周孝侯墓在義興城中有廟諡歷代加封  
王爵救災捍患代顯威靈嘉靖乙卯五月賊焚無  
錫宐興告警忽處墓煙氣矗天若豎黑旗二面滿  
城人皆見之連夕皆然後又添一面宛然在望近  
視則不見時予姪鯤作令所目擊者親爲文致祭  
後賊過境上竟不爲害蓋沒已千二百年而神之  
昭著若此所記與邑志飛蟲如旗幟事略異

小水洞怪石林立有明人題名一則云大明宣德四  
年春三月廿四日道善權三洞時員外趙珩陳善  
上人如仲真公口中復公喆公頡公共覽勝槩題  
名以紀歲月云錢塘周羽書餘宋元人題名及詩  
詞隱隱石上多莫可辨識

杜辭晦牧之子也自南曹郎爲趙公隱從事於朱方  
王郢之叛趙相國以撫御失宐致仕辭晦罷職時  
北門李相國在淮南辟爲判官辭晦以恩門休戚

辭不受命退隱于陽羨別業時論多之永寧劉相  
國鎮淮南又辟爲節度判官方始應召狂於美色  
有父遺風赴淮南之召路經常州李瞻給事方爲  
郡守辭晦於祖席上忽顧營妓朱娘言別掩淚大  
哭瞻曰此風聲嬾人員外如要但言之何用形迹  
乃以步輦隨而遺之辭晦自飲筵散不及更衣步  
歸舟中以告其內內子性仁和聞之無難色遂而  
迎之其喜于適願也如是以上見劉宗遠金華子  
李瞻與王祝唐末相繼守常皆名重朝廷瞻罷秩  
後退隱茅山得免黃巢之難祝竟爲王拱所害觀  
於辭晦之事瞻之識超于石季倫輩遠矣

桃溪客語卷三

十四

拜經樓正本

唐李濬松牕雜錄記物之異聞有張公洞翠碧翠碧  
不詳何物張公洞又產苔梅亦異品宋高宗居德  
壽宮嘗謂孝宗曰苔梅有二種宐興張公洞者落  
蘚極厚花極香一種出越上落如絲長尺餘今歲  
二種同時著花不可不少畱一觀詳見武林舊事

按昆陵志云蘚梅最奇  
古蘚梅殆卽苔梅也

葉石林云宐興善權張公兩洞天天下之絕景也壬子  
夏余罷建康歸大雨中枉道過之張公洞有觀訪  
其舊事惟南唐李氏時碑言張道陵嘗居爾善權

有咸通八年昭義軍節度使李蟻贖寺碑蓋嘗廢于會昌中蟻以己俸贖之蟻自言大和中嘗于此親見白龍自洞中出洞之勝處不可盡名但恨通明處少略行三十步卽須秉火而後可見大抵與張公洞相似蟻當時藩鎮名迹合見于史而略無有惟碑先載蟻奏狀后具敕書云中書門下牒牒奉敕李蟻云云宜依所奏仍令浙西觀察使速準此處分牒至準敕故牒與今尙書省奏事不同今四方奏請事出有司者畫旨付逐部符下因人以請者以劄子直付其人而逐部兼行尙書省皆不

桃溪客語卷三

十五

拜經樓正本

自行也勅後列平章事十人稱司徒者三一日崔二曰杜三曰令狐稱司徒兼太保不出姓劄書使者一稱左僕射杜者一稱司空夏侯者一皆帶檢校不名司徒杜者惊也令狐者絢也左僕射杜者審權也司空夏侯者攷也此皆以平章事故繫姓有稱中書侍郎兼刑部尙書路者巖也門下侍郎兼戶部尙書曹者確也中書侍郎兼工部尙書盧者商也此皆見宰相也七人與史皆合惟司徒崔與司徒兼太保無姓及曹確後有工部尙書韋劄書使亦當爲又見宰相三人紀其表皆不載

數句疑有

誤不應有遺脫此不可解余家藏碑千餘帙多得  
前世故事與史違誤嘗爲金石類考五十卷此後  
所得不及錄也按此碑今已不存錢曉宮詹曰

後列平章事十人石林以史考之僅得其七予以  
新舊史通鑑證之其云檢校司徒崔者慎由也云

檢校司徒兼太保而不出姓者幽州節度使張允  
伸也云工部尙書韋者嶺南東道節度使宙也

時見任宰相惟路巖曹確徐商三人若杜棕令狐  
綯夏侯孜杜審權崔慎由張允伸宙皆使相也

此七人皆當此旁書使字而誤石林僅舉其二又誤以  
徐商爲盧商此非石刻之誤石林偶誤記耳盧商

宣宗時宰相卒于大中蟻疏前列銜爲昭義軍節

度使中散大夫檢校工部尙書兼御史大夫賜紫

金魚袋邑志謂其曾爲相考新舊唐書不爲立傳

桃溪客語卷三

十六

拜經樓正本

亦不見于宰相表宰相世系毘陵志謂蟻因夢蝨  
易名而語焉不詳按南楚親聞李司空初名虬將  
赴舉夢名上添一畫成虱字及寤曰虱者蟻也乃  
改名果登第

石林謂碑刻多得前世故事與史違誤予嘗觀舊唐  
書懿宗紀咸通四年三月以戶部侍郎李蟻檢校  
禮部尙書潞州大都督府長史充昭義節度觀察  
處置等使據其繫銜微與碑不合抑或別有遷授  
又考通鑑咸通四年十二月昭義節度使沈詢奴  
歸秦與詢侍婢通詢欲殺之未果乙酉歸秦結牙



將作亂攻府第殺詢五年正月以京兆尹李蟻爲昭義節度使取歸秦心肝以祭詢蟻不知何時復爲京兆尹而四年三月五年正月唐書與通鑑又復不同未解其故然卽前數事及題善權寺石壁詩以觀蟻之藩鎮名迹庶幾略可考見沈詢字誠之既濟子爲人美多儀時目爲神仙中人按北夢瑣言云詢有寵婢夫人甚妬因爲配與家人歸秦婢旦夕在詢側歸秦憤恚遂作亂與通鑑小異又按溫豫續侍兒小名錄云詢在昭義嘗燕府中賓友按調著詞令曰莫及歸夫鴈從他向北飛打時雙以歸秦爲嬖度妾則更誤奴者乃據劉潼非李蟻附識以備考

義興異夢篇雲林所作其詞曰辛卯之歲寅月壬戌

桃溪客語卷三

十七

拜經樓正本

我寢未興戶閤於室爰夢鬼物黯淡慘慄或禽而角或獸而獺夔足駿奔豕形人立往來離合飛搏跳擲紛攘千態怪技百出予茲泊然抱冲守一廓如大虛雲斂無迹晨鷄旣鳴冠櫛斯畢涉庭而咏已化奚恤春風雅振亮月在席凋瘁何損榮華匪益獨以圓悟境無順逆愚夫說夢轉墮迷惑滔滔天下病者良極僣我大雄拯此羣溺按辛卯爲至正十一年雲林此詩豈爲張士信困辱之後而作與

陸希聲少工書嘗以筆法授沙門誓光光後入爲翰

林供奉希聲猶未達乃寄以詩誓光遂爲之引薦  
昔人謂希聲究易不知比之匪人之戒蓋指此也  
予又觀續侍兒小名錄云余媚娘者才婦也夫亡  
以介潔自守陸希聲時爲正郎聞其容美而善書  
巧智無比俾行人中善言者遊說之媚娘乃約媒  
曰陸郎中若必得兒侍巾櫛須立誓不置側室及  
女奴則可爲陸家新婦希聲諾之居二年夫妻敦  
睦無何希聲又獲名姬柳舜英者姿殊麗逾于媚  
娘媚娘知而深怨之密啣不發異日令迎入宅與  
之同處比閒候希聲他出卽召舜英閉私室中手  
刃殺之是希聲不特昧于比之匪人之戒且不知  
輿說輒之凶其不能終於君陽之居而死于道路  
固無足論矣

桃溪客語卷三

十八

拜經樓正本

黃太稚太傅宦夢錄云某日過濟寧遂遇周公船病  
未愈挾一醫一僧自隨叩余別後狀余不便深言  
第云上嫌公巧耳周公曰巧之一字我不敢辭上  
如此聖明豈一味拙直所能伏事委曲彌縫亦將  
以求濟也爲畱話逾久夜禁舟人鼓角聲慮傷其  
意明晨仍過別周公業載木自隨情景悽然知同  
永訣如杜甫送鄭廣文台州時黃所云周公者玉

繩也是時太傅方解綬歸田而宐興復召相與解后于途中所謂白首同歸青山獨往時也

吳楓隱別業在南岳之蘭墅其地三面皆山獨闕其北中有竹旗峯升之可望西瀉湖其下有瀑布萼池亭館竹樹雅相稱其城居有雲起樓正面銅官楓隱少日嘗從高忠憲公講學于樓上蘭墅雲起樓王百穀董香光輩皆爲作記而繪以圖楓隱名洪裕字問卿年十八舉孝廉祖父俱顯楓隱獨淡於榮利日置酒召客多蓄古書名畫有黃于久富春山圖懷素草書墨迹尤所寶愛晚無子將終焚

桃溪客語卷三

十九

拜經樓正本

二卷自殉奠之以詩遺命必葬我于竹旗峰上并捨蘭墅別業爲僧院卽楓隱禪寺今廢

任鈞臺作孝經章句大抵本朱子刊誤刊誤經一章傳十四章章句經一章傳十五章自敘謂嘗於山右佛龕得鈔本有傳之十章其文同戴記而今本無之孔子言身體髮膚不敢毀傷孝之始立身行道揚名後世孝之終又言始于事親中于事君終于立身傳釋不敢毀傷及事親事君而去立身于義何居知此必逸文也因補傳之十章曰子曰君子無不敬也敬身爲大身也者親之枝也敢不敬

與君子之所謂孝者國人皆稱願焉曰幸哉有子  
所謂孝也孝之本曰敬其行之曰養養可能也敬  
爲難敬可能也安爲難安可能也久爲難久可能  
也卒爲難父母旣歿慎行其身不遺父母惡名可  
謂能終矣詩曰靡不有初鮮克有終右蓋取大小  
戴記哀公問于孔子大戴曾子大孝篇呂氏春秋  
孝行覽等以成文竊意江右佛龕之說終未敢信  
堵牧遊先生少居官瀆父母俱早卒家貧甚附村塾  
讀書每遭侮遣歲饑轉徙錫山僧寺復爲僧徒所  
逐公散笑行歌自若也族人某獨奇公嘗厚給之

桃溪客語卷三

二十

拜經樓正本

俾從師力學遂成名初其父維常未有子禱于茅  
山夢神畀以牧豎及將產母復見牧兒笑投其懷  
笛聲嗚嗚然故號曰牧遊公自少迄長好學不倦  
所著禮經澤書成于諸生時詩經澤書成于孝廉  
時春秋說義成于軍中詩有耐可吟等皆手定

姚東照者鉅鹿諸生也爲人慷慨知大義盧公象昇  
之戰賈莊也惟提饑卒五千所在州郡受樞臣指  
閉關絕餉東照出家粟餉軍與侍左右聞師行趨  
往祖公方被甲立軍門次第指麾諸將出東照叩  
馬請繼見期公慨然解腰下佩刀與之曰苟無相

忘見此如見我矣遂鼓而前明日公戰死稟水橋東照家世寶此刀後公從曾孫豪然爲威縣令求得于姚氏寡婦攜之歸里刀長四尺餘無鞘蓋距公解贈時已百餘載矣寒光瑩澈凜凜有生氣見者多爲之歎息王今遠曲周嘗爲之記豪然字傑夫雍正甲辰舉人公仲弟象晉曾孫也治邑有循聲

岳倦翁問道宜興詩云買田陽羨說東坡想見溪山勝槩多曾是中營誇繡帽

疑作幟

尙傳遺廟鎖琯戈

斬蛟義槩人猶記化蝠仙踪事易訛我欲問津先訪古古靈題蹟試摩抄自注宜興張公洞刻古靈題蹟客有爲予言古靈後乃仙去者末句故云按今張公洞古靈題蹟莫可考而其仙去事亦罕有傳者矣

天申宮爲宋章獻皇后禱嗣之地有所賜夾紵玉仙岳肅之詩粹儀夾綻

疑紵

盛花鈿人說先朝祀玉仙是也按舊志載宋大中祥符四年賜金帛一新棟宇賜夾紵玉仙殆亦在是時惜無能攷其形製